



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj:UP-1/21-3-40-586-8/23

Datum: 21.03.2024. godine

„Agencija za vodno područje rijeke Save“ Sarajevo rješavajući po zahtjevu pravnog lica Rudnik uglja „Kreka“ d.o.o. Tuzla za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije Pogona „Dubrave“ u Dubravama, gradovi Živinice, Tuzla i općina Kalesija, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu Rudnik uglja „Kreka“ d.o.o. Tuzla daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije Pogona „Dubrave“ u Dubravama, gradovi Živinice, Tuzla i općina Kalesija.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu, dostavljenog detaljnog dinamičkog plana po godinama sa aktivnostima, finansijskom procjenom i rokovima za izgradnju i puštanju u rad sistema za prikupljanje, tretman i ispuštanje tehnoloških otpadnih voda, broj:01/01-4-884/24 od 14.02.2024. godine i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se u periodu važenja ove vodne dozvole, a u skladu sa detaljnim dinamičkim planom ulaganja, a u skladu sa članom 26. stav (3) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24) realizuju aktivnosti na vanjskom uređenju:
 - 3.2.1. Ishodovanje urbanističke saglasnosti od strane nadležnog organa. Realizacija aktivnosti se očekuje do kraja mjeseca decembra 2024. godine.
 - 3.2.2. Izgradnja cjevovoda-oborinska kanalizacija, nabavka i ugradnja separatora ulja AQUAREG 50 bp 5 S-I-P (I faza). Realizacija aktivnosti se očekuje do kraja mjeseca decembra 2024. godine.
 - 3.2.3. Ishodovanje građevinske dozvole od strane nadležnog organa će biti realizovano do kraja 2025. godine
 - 3.2.4. Izgradnja cjevovoda oborinske kanalizacija, nabavka i ugradnja separatora ulja AQUAREG 50/NG 3 S-I-P (II faza). Realizacija aktivnosti se očekuje do kraja mjeseca decembra 2025. godine.
 - 3.2.5. Izgradnja cjevovoda-oborinska kanalizacija, nabavka i ugradnja separatora ulja AQUAREG 15/BP 1,5 S-I-P (III faza). Realizacija aktivnosti se očekuje do kraja mjeseca maja 2026. godine.
 - 3.2.6. Nakon okončanja svih aktivnosti na izgradnji projektovanih objekata i nabavke i ugradnje sadržaja investitor će organizovati puštanje u probni rad i izvršiti tehnički prijem. Nakon okončanja aktivnosti na tehničkom prijemu investitor će podnijeti zahtjev za izdavanje rješenja o vodnoj dozvoli.
 - 3.3. Da se objekti čija je svrha odvođenje i prečišćavanje tehnoloških otpadnih voda redovno održavaju i koriste na način koji će obezbijediti njihovu potpunu ispravnost i funkcionalnost.

- 3.4. Da korisnik predmetnih objekata, za vrijeme trajanja ove dozvole, obezbjeđuje da se tehnološke otpadne vode i oborinske onečišćene vode sa prostora Pogona „Dubrave“ u Dubravama, gradovi Živinice, Tuzla i općina Kalesija nesmetano sakupljaju i odvođe do objekata predviđenih za tretman tehnoloških otpadnih voda i obornskih onečišćenih voda, a zatim ovako tretirane vode preko monitoring okana ispuštaju u definisani recipijent – potok Velakovac, bezimeni potok (kod klasirnice) i potok Lješnica- podsliv rijeke Spreče.
- 3.5. Da se redovno vrši monitoring prečišćene otpadne vode iz okana za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa odredbama iste.
- 3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
- 3.7. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 18. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20, 1/24), a ukoliko Vlada Tuzlanskog kantona propiše dodatne (strožije) uslove za ispuštanje otpadnih voda u površinske vode, od uslova definisanih u Prilogu 18. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
- 3.8. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
- 3.9. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.11. Da se istrošena ulja, nauljene krpe i sav opasan otpad koji će nastati na prostoru Pogona „Dubrave“ u Dubravama prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog postrojenja obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. U periodu važenja ove dozvole, pravno lice je dužno provoditi sve mjere i aktivnosti propisane istom.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
10. Pravno lice Rudnik uglja „Kreka“ d.o.o. Tuzla Pogon „Dubrave“ u Dubravama, općine Živinice, Tuzla i Kalesija dužan je izvještavati Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, na obrascu iz Priloga 8. Uredbe o uslovima ispuštanja otpadnih voda u okoliš i sisteme javne kanalizacije.

11. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja. Prije isteka ovog roka pravno lice je dužano zatražiti produženje iste. Ova vodna dozvola prestaje da važi u slučaju da se ne ispune uslovi iz tačaka: 3.2.1. - 3.2.6. ovog rješenja.

12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice Rudnik uglja „Kreka“ d.o.o. Tuzla obratilo se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora Pogona „Dubrave“ u Dubravama, gradovi Živinice, Tuzla i općina Kalesija.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A-Opća dokumentacija:

- Rješenje o izmjenama podataka, broj:032-0-Reg-23-001126 od 11.08.2023. godine izdato od strane Općinskog suda u Tuzli – ovjerena kopija,
- Obavještenje o razvrstavanju pravnog lica prema klasifikaciji djelatnosti, broj:07-32.5-9698/21 od 06.07.2021. godine izdato od strane Službe za statistiku za područje Tuzlanskog kantona – ovjerena kopija,
- Uvjerjenje o registraciji poreznog obveznika od 13.01.2021. godine izdato od strane Kantonalnog poreznog ureda u Tuzli – ovjerena kopija,
- Rješenje o urbanističkoj saglasnosti, broj:03-264-901/84 od 23.10.1984. godine izdato od strane Republičkog komiteta za urbanizam, građevinarstvo, stambene i komunalne poslove SRBiH – kopija,
- Rješenje, broj:04/4-360-19/1/87 od 12.10.1987. godine izdato od strane Opštinskog sekretarijata za urbanizam, građevinske i imovinsko-pravne poslove opštine Živinice – kopija,
- Rješenje, broj:02/16-360-5/90 od 19.03.1990. godine izdato od strane Opštinskog sekretarijata za privredu i opšte upravne poslove opštine Živinice – kopija,
- Rješenje o urbanističkoj saglasnosti, broj:12-04/1-23-028446/17 od 15.01.2018. godine izdato od strane Ministarstva prostornog uređenja i zaštite okolice Tuzlanskog kantona – kopija,
- Rješenje o urbanističkoj saglasnosti, broj:12-04/1-23-017882/17 od 14.02.2018. godine izdato od strane Ministarstva prostornog uređenja i zaštite okolice Tuzlanskog kantona – kopija,
- Rješenje, broj:02/16-560-52/89 od 08.09.1989. godine izdato od strane Opštinskog sekretarijata za privredu i opšte upravne poslove opštine Živinice – kopija,
- Rješenje o vodnoj dozvoli, broj: UP-I/25-3-40-695-11/18 od 17.04.2019. godine izdato od strane „Agencije za vodno područje rijeke Save“ Sarajevo – kopija,
- Detaljni dinamički plan po godinama sa aktivnostima, finansijskom procjenom i rokovima za izgradnju i puštanju u rad sistema za prikupljanje, tretman i ispuštanje tehnoloških otpadnih voda, broj:01/01-4-884/24 od 14.02.2024. godine,
- Punomoć podnosioca zahtjeva, broj:01-12005/2023 od 21.11.2023. godine,
- Zahtjev za zbrinjavanje (prodaju) količina sakupljenih i skladištenih, korištenih (rabljenih) ulja, broj:01-4-353/24 od 17.01.2024. godine - kopija,
- Ugovor sklopljen sa „Kemeko BH“ d.o.o. Lukavac, broj:431/22 od 20.05.2022. godine – kopija,
- Ugovor sklopljen sa „Kemeko BH“ d.o.o. Lukavac, broj:167-9/22 od 23.09.2022. godine – kopija,
- Odluka o pokretanju konkurentskog zahtjeva za dostavu ponuda za javnu nabavku usluga, čišćenje separatora, broj: 01-2-888/24 od 14.02.2024. godine – kopija,
- Dokaz o uplaćenju federalnoj upravnoj pristojbi na zahtjev
- B-Tehnička dokumentacija
- Dopuna glavnog projekta sakupljanja, odvođenja i prečišćavanja otpadnih voda Rudnika Dubrave u Dubravama, urađen od strane TQM d.o.o. Lukavac, broj:2157/19, decembar 2019. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH” broj 31/15, 55/19, 41/20, 63/22) izvršen je uviđaj i tom prilikom sačinjen Zapisnik broj: UP-1/21-3-40-586-6/23 od 14.03.2024. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- U skladu sa zahtjevima iz Rješenja o vodnoj dozvoli broj:UP-I/25-3-40-695-11/18 od 17.04.2019 godine koje je izdato pod uslovima a u skladu sa Dinamičkim planom ulaganja (spisak aktivnosti i mjera sa finansijskom procjenom za ulaganje u cilju smanjenja emisije sa predloženim završetkom aktivnosti), broj:01-773/19 od 15.03.2019. godine, pravno lice je trebalo na terenu da realizuje izgradnju objekata i sadržaja u skladu sa: Glavni projekat sakupljanja, odvođenja i prečišćavanja otpadnih voda Rudnika „Dubrave” u Dubravama, urađen od strane TQM d.o.o. Lukavac, broj:2777/17 od oktobar 2017. godine.
- Pravno lice nije postupilo na terenu u skladu sa dostavljenim dinamičkim planom ulaganja. U međuvremenu investitor je uradio i Dopunu glavnog projekta sakupljanja, odvođenja i prečišćavanja otpadnih voda Rudnika Dubrave u Dubravama, urađen od strane TQM d.o.o. Lukavac, broj:2157/19, decembar 2019. godine. Dopuna projektne dokumentacije je izvršena zbog gašenja dubinskog bunara, a za potrebe dobijanja vodnog akta od nadležnog ministarstva Tuzlanskog kantona.
- U skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj:26/20,96/20,1/24) pravno lice je dostavilo novi detaljni dinamički plan ulaganja po kojem je planirano da:
 - Ishodovanje urbanističke saglasnosti od strane nadležnog organa. Realizacija aktivnosti se očekuje do kraja mjeseca decembra 2024. godine.
 - Izgradnja cjevovoda-oborinska kanalizacija, nabavka i ugradnja separatora ulja AQUAREG 50 bp 5 S-I-P (I faza). Realizacija aktivnosti se očekuje do kraja mjeseca decembra 2024. godine.
 - Ishodovanje građevinske dozvole od strane nadležnog organa će biti realizovano do kraja 2025. godine.
 - Izgradnja cjevovoda oborinske kanalizacija, nabavka i ugradnja separatora ulja AQUAREG 50 NG 3 S-I-P (II faza). Realizacija aktivnosti se očekuje do kraja mjeseca decembra 2025. godine.
 - Izgradnja cjevovoda-oborinska kanalizacija, nabavka i ugradnja separatora ulja AQUAREG 15 BP 1,5 S-I-P (III faza). Realizacija aktivnosti se očekuje do kraja mjeseca maja 2026. godine.
- Investitor je upoznat sa potrebom dorade projektne dokumentacije izvedenog stanja-hidro faze nakon okončanja svih aktivnosti na terenu ukoliko dođe do odstupanja u odnosu na projektovano stanje.

Realizacija svih aktivnosti u skladu sa projektnom dokumentacijom Dopuna glavnog projekta sakupljanja, odvođenja i prečišćavanja otpadnih voda Rudnika Dubrave u Dubravama, urađenim od strane TQM d.o.o. Lukavac, broj:2157/19, decembar 2019. godine je planirana do mjeseca maja 2026. godine. Nakon okončanja prethodnih aktivnosti investitor će organizovati puštanje u probni rad izgrađenih objekata i sadržaja te organizaciju tehničkog prijemā.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije. Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

U skladu sa Detaljnim dinamičkim planom po godinama sa aktivnostima, finansijskom procjenom i rokovima za izgradnju i puštanju u rad sistema za prikupljanje, tretman i ispuštanje tehnoloških otpadnih voda, broj: 01/01-4-884/24 od 14.02.2024. godine urađenim od strane pravnog lica Rudnik uglja „Kreka” d.o.o. Tuzla Pogona „Dubrave” u Dubravama, općine Živinice, Tuzla i Kalesija planirano je da se u narednom periodu realizuju aktivnosti na vanjskom uređenju prikupljanja, tretmana i ispuštanja tehnoloških otpadnih voda i aktivnosti koje mogu imati specifične uticaje na vode sa predmetne lokacije tj. prostora kompleksa objekata.

Na osnovu provedenog postupka konstatuje se da je podnosilac zahtjeva Rudnik uglja „Kreka” d.o.o. Tuzla Pogona „Dubrave” u Dubravama, općine Živinice, Tuzla i Kalesija ispunio minimum

uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa predmetne lokacije, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr Selma Merdan, dipl.inž.geol.

Prilog: Tehnička dokumentacija navedena pod B obrazloženja rješenja

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.



Dostaviti:

- Rudnik uglja „Kreka“ d.o.o. Tuzla
- Ul. Mije Keroševića Guje 1., 75000 Tuzla, (sa prilogom),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava